

73
15. apríl

S A M Þ Y K K T

um sýsluvegasjóð Árnessýslu.

1. gr.

Í Árnessýslu skal vera sýsluvegasjóður samkvæmt lögum nr. 102 19. júní 1933 og síðari breytingum. Úr honum greiðist kostnaður við þær vegabætur, sem að lögum hvíla á sýslufélaginu.

2. gr.

Með sjóði þessum skal byggja og viðhalda þeim sýsluvegum, sem ákveðnir eru í samþykkt þessari, eftir þeim reglum og fyrir þær fjárveitingar, sem sýslunefnd ákveður á hverjum tíma.

Sýsluvegir eru þeir, sem hér segir, og skal greina þá í tvo flokka.

Í I. flokki eru þessir vegir:

1. Selvogsvegur af Suðurlandsbraut að Bjarnastaðatúni.
2. Hraunsvegur af þjóðveginum á Hjallamel að Hrauni.
3. Bæjarþorpsvegur af Suðurlandsbraut að Kröggólfsstöðum.
4. Arnarbælisvegur af þjóðveginum hjá Sandhól að Arnarbæli.
5. Hveragerðisvegur af þjóðveginum austan Ölfusrétta um Hveragerði að Álfafelli.
6. Grafningsvegur af þjóðveginum neðan Alviðru á þjóðveginn hjá Úlfljótsvatni.
7. Eyjavegur af þjóðveginum norðan Grafarár, meðfram túni í Útey að túni í Austurey, að fengnu samkomulagi við eiganda Úteyjar um afhendingu einkavegar að Útey.
8. Sólheimavegur frá Borg um Sólheima, nálægt Kringlu og Bjarnastöðum á Grímsnesbraut austan Svínavatns.
9. Búrfellsvegur frá Sogsvegi hjá Ásgarði að Búrfelli.
10. Klausturhólavegur af þjóðveginum austan Seyðishóla, vestan Klausturhólatúns að Hæðarendatúni.
11. Tjarnarbraut af þjóðveginum austan Torfastaða um Tjörn á þjóðveg hjá Miðhúsum.
12. Bræðratungubraut af þjóðveginum norðan Fellskots að Króksferju.
13. Auðsholtsbraut af Skálholtsvegi að Auðsholtsferju.
14. Laugarásbraut af Skálholtsvegi að Laugarási.
15. Langholtsvegur frá Laxárbrú um Syðra Langholt að Unnarholti.
16. Hrafnkelsstaðavegur frá þjóðveginum nálægt Hellisholtalæk að túni í Efra-Langholti.
17. Seljavegur af Hrafnkelsstaðavegi um væntanlega brú á Litlu-Laxá hjá Gröf, meðfram ánni að norðan að Efra-Seli.
18. Hrunavegur af þjóðveginum um Hruna að túni í Kaldbak.
19. Hlíðarvegur frá þjóðveginum neðan Geldingaholts um Hæl að Hlíð.
20. Laxárdalsvegur frá þjóðveginum gegnt Stóru-Mástungum að Laxárdal.
21. Stóra-Núpsvegur frá þjóðveginum á Harðabakka að Stóra-Núpi.
22. Ólafsvallavegur af Skeiðavegi að Ólafsvöllum.
23. Vorsabæjarvegur á Skeiðum af Húsatóftaholti að Fjalli.
24. Skeiðháholtsvegur af Skeiðavegi um Skeiðháholt að Þjórsá.
25. Egilsstaðavegur af þjóðveginum hjá Villingaholti að Egilsstöðum.
26. Gafsvegur af Villingaholti um Gafli á Hamarsvega vestan Skógsness.
27. Kolsholtsvegur af Villingaholtsvegi hjá Vatnsenda að Kolsholti.
28. Hróarsholtsvegur af Villingaholtsvegi að Hróarsholtstúni.
29. Langholtsvegur af Flóavegi meðfram túni í Halakoti að Efstaskurði.

30. Brúnastaðavegur frá malargryfju í Miklaholti að Aðalskurði. 73
31. Votmúlavegur frá Eyrarbakkegi um Votmúla á Gaulverjabæjarveg hjá Smjör- 15. apríl
dölum.
32. Selfossvegur frá Selfosstúni meðfram Ölfusá á Þjóðveginn hjá sýslumannsbústað.
33. Eyrarbakkegi frá 70 km steini að Einarshöfn.
34. Stokkseyrarvegur frá Kaðlastöðum um þorpið austur fyrir Sjónarhóla.
35. Brattsholtsvegur frá Stokkseyrarhlaði á Stokkseyri um Holt að Hæringsstöðum.
36. Vorsabæjarvegur í Flóa af Gaulverjabæjarvegi fram hjá Vorsabæjarhjáleigu á Hamarsveg hjá Syðra-Velli.
- Í II. flokki eru þessir vegir:
1. Sognavegur af Þjóðveginum vestan Gljúfurárholts að Gljúfri.
 2. Stíflisdalsvegur af Þjóðveginum að Stíflisdalstúni.
 3. Skálabrekkuvegur frá Þingvallavegi að Skálabrekkutúni.
 4. Gjábackavegur frá Sogsvegi að Gjábackatúni.
 5. Mjóanesvegur af Sogsvegi norðan Miðfells að Mjóanesi.
 6. Miðfellsvegur af Sogsvegi að Miðfellstúni.
 7. Böðmódsstaðavegur af Þjóðveginum hjá Grásteini að Böðmódsstöðum.
 8. Hagavegur, af Þjóðveginum vestan Brúarár, um Sel að Hagatúni.
 9. Syðri-Reykjavegur frá Tjarnarbraut að Syðri-Reykjatúni.
 10. Drumboddsstaðavegur af Bræðratungubraut austan Tungufljótsbrúar að Drumboddsstöðum.
 11. Kjóstaðavegur af Gullfossvegi fram hjá Gýgjarhóli að Kjóstöðum.
 12. Tungufellsvegur af Þjóðveginum austan Brúarhlaða, um væntanlega brú á Dalsá að túni í Tungufelli.
 13. Langholtsvegur frá Unnarholti um Bjarg að Auðsholti.
 14. Háholtsvegur af sýsluveginum hjá Geldingaholti að vegamótum Háholts og Ásbrekkku.
 15. Þjórsárhóltsvegur af Þjóðveginum austan Kálfár að Þjórsárholti.
 16. Útverkavegur af Vorsabæjarvegi að Útverkum.
 17. Birnustaðavegur af Vorsabæjarvegi að Birnustöðum.
 18. Álfsstaðavegur af Skálholtsvegi að Álfsstöðum.
 19. Urriðafossvegur af Þjóðveginum á mótis við Skálmholt, um Urriðafoss að Egilstöðum.
 20. Súluholtsvegur af Gaulverjabæjarvegi að túni í Súluholti.
 21. Hurðarbaksvegur af Villingaholtsvegi, um Dalsmynni að Hurðarbakstúni.
 22. Þingdalsvegur af Villingaholtsvegi gegnt Vatnsenda að túni í Þingdal.
 23. Laugavegur af Kiðjabergsvegi hjá Litlu-Reykjum að Stekkjarheiði hjá Laugum.
 24. Flóagafslsvegur frá Eyrarbakka að Grænhól.
 25. Stokkseyrarengjavegur af Brattsholtsvegi norðan við Hoftún, um 2 km engjavegur.

Sýsluvegasjóður greiðir allan kostnað nýbygginga og viðhalds vega í I. flokki, en hlutaðeigandi hreppsfélag skal leggja fram að minnsta kosti $\frac{1}{3}$ hluta alls kostnaðar við vegi í II. flokki, eftir ákvörðun sýslunefndar í hvert sinn.

3. gr.

Í sýsluvegasjóð skal árlega greiða vegaskatt af öllum skattskyldum fasteignum í sýslunni, sem greiðist á manntalsþingi af ábúanda hvern jarðar og af eiganda hvernar lóðar og húseignar í kaupþunum. Hreppsfélagi er heimilt að greiða skatt þennan úr sveitarsjóði að nokkru eða öllu leyti, sé það samþykkt með meiri hluta atkvæða á lögmaetum sveitarfundi og sé tilkynning þar um komin til sýslumanns fyrir 1. apríl. Gildir sú skipun þangað til fundarsamþykktin er úr gildi numin með sama hætti.

- 73 Sýslunefnd ákveður jafnan fyrir eitt ár í senn, hve hár skuli vera vegaskattur fyrir það ár. Má hann ekki lægri vera en 2 af hverju þúsundi virðingarverðs samkvæmt fasteignamati, og ekki hærri en 12 af þúsundi. Vegaskattur af húseignum skal jafnan vera helmingi lægri að hlutfallstölu en ákveðið hefur verið af löndum og lóðum.

4. gr.

Undanskildar vegaskatti eru allar kirkjur, skólahús, sjúkrahús og þinghús.

5. gr.

Gjöld þessi má taka lögtaki samkv. lögum nr. 29 frá 1885.

Með samþykkt þessari er úr gildi numin samþykkt um sýsluvegasjóð Árnassýslu, nr. 54 1938, með síðari breytingum.

Samþykkt þessi, sem sýslunefnd Árnassýslu hefur samið og samþykkt, samkv. lögum nr. 102 19. júní 1933 og lögum nr. 50 17. maí 1947, staðfestist hér með til þess að öðlast þegar gildi, og birtist til eftirbreytni öllum þeim, sem hlut eiga að máli.

Samgöngumálaráðuneytið, 15. apríl 1950.

Hermann Jónasson.

Páll Pálmason.

74

17. apríl

REGLUGERÐ

um búfjárrækt.

I. KAFLI

Um nautgriparækt.

1. gr.

Í hverjum hreppi eða bæjarfélagi, þar sem ekki er starfandi nautgriparæktarfélag eða deild innan hreppabúnaðarfélags, sem vinnur að kynbótum nautgripa, og fengið hefur lög sín staðfest af Búnaðarfélagi Íslands, skal vera starfandi nautgripakynbótanefnd, er í séu þrjú menn. Til sveita skal kjósa í nefndina á sama hátt og til hreppsnefnda, en í kaupstöðum skal bæjarstjórn kjósa kynbótanefndina. Þar sem stofnað er nautgriparæktarfélag eða deild innan búnaðarfélags hreppsins, er sett hefur sér lög og fengið þau staðfest af Búnaðarfélagi Íslands, er stjórn þess sjálfkjörin nautgripakynbótanefnd, enda sé í því meiri hluti kúaeigenda í hreppnum. Leggist starfandi og löglega viðurkennt nautgriparæktarfélag niður, fer síðasta stjórn þess með starf nautgripakynbótanefndar, unz kosin hefur verið nautgripakynbótanefnd.

2. gr.

Nautgripakynbótanefnd skal sjá um, að til séu nægilega mörg kyngóð naut innan hreppsins til afnota fyrir hreppsþúa. Heimilt er kynbótanefnd að leigja eða kaupa naut til afnota fyrir kúaeigendur í hreppnum, eftir því sem hún telur hentugast. Eftir því sem við verður komið, skal kynbótanefnd velja naut til undaneldis það tímanlega árs, að hún geti tilkynnt hreppsþúum í tæka tíð hver þau séu og hvar þau séu geymd. Kynbótanefnd sér um fóðrun og hirðing nautanna. Kynbótanefndum tveggja eða fleiri hreppa er heimilt að vinna saman að kynbótastarfinu og skal þá kjósa sameiginlega stjórn á fundi, sem kynbótanefndirnar af hinu sameiginlega svæði halda.